0.0.1 assāsasuttam

- 1. assāsappatto assāsappatto'ti āvuso sāriputta vuccati. kittāvatā nu kho āvuso sāriputta assāsappatto hotīti. yato kho āvuso bhikkhu channam phassāyatanānam samudayanca atthagamanca assādanca ādīnavanca nissarananca yathābhūtam pajānāti, ettāvatā kho āvuso assāsappatto hotīti. atthi panāvuso maggo atthi paṭipadā etassa assāsassa sacchikiriyāyāti. atthi kho āvuso maggo atthi paṭipadā etassa assāsassa sacchikiriyāyāti.
- 2. katamo panāvuso maggo katamā paṭipadā etassa assāsassa sacchikiriyāyāti. ayameva kho āvuso ariyo aṭṭhaṅgiko maggo etassa assāsassa sacchikiriyāya. seyyathīdaṃ: sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. ayaṃ kho āvuso maggo ayaṃ paṭipadā etassa assāsassa sacchikiriyāyāti. bhaddako āvuso maggo bhaddikā paṭipadā etassa assāsassa sacchikiriyāya. alañca panāvuso sāriputta appamādāyāti.